

Mlada rukometašica Borca: MNOGO NAM ZNAŠE REPREZENTATIVNA OKUPLJANJA

28/03/2011 17:03 by Administrator

Ženska omladinska rukometna reprezentacija prije nekih desetak dana odradila je mini pripreme na lido, a na prvom okupljanju selektorici Mersih Sarajlić odazvale su se čak 32 rukometašice. Među njima čak sedam je bilo iz banjalučkog Borca, a jedna od njih je mlada 17-godišnja Sara Arsenijević, koja već nastupa i za prvu ekipu aktuelnog šampiona Bosne i Hercegovine.

"Rukomet sam počela trenirati sa osam godina. Pored Borca, igrala sam i u mlađim kategorijama banjalučke Mladosti. Rukomet je moj život i volila bih da se u našim klubovima još više trenira", rekla je mlada Sara Arsenijević za naš portal i dodala:

"Želim u rukometu postići mnogo, odnosno, moja velika želja je napraviti dobru karijeru. Svjesna sam da će mi za to trebati mnogo rada i odricanja, no uvjerena sam da ću uspjeti. U Borcu mi je predivno, no moja velika želja je nositi dres podgoričke Budućnosti."

Mlada rukometašica banjalučkog Borca oduševljena je zbog reprezentativnog okupljanja, te se nada da će mlade reprezentativke ubrzo ponovo imati mini pripreme.

"Doista sam presretna što je omladinska selekcija krenula sa okupljanjima, a meni je velika čast što sam dio reprezentacije. Tri dana provedena u Sarajevu bila su nezaboravna. Treninzi su bili jako kvalitetni i sve igračice su oduševljenje odnosom stručnog štaba", istakla je mlada rukometašica.

"Nama mladim igračicama mnogo znače reprezentativna okupljanja. Tada vidimo da nismo zaboravljene. Volila bih da ova okupljanja postanu običaja, a sigurna sam da bismo mi ispunili sva očekivanja ljudi koji vjeruju u nas. Smatram da ova generacija ima kvalitet, samo nam je potrebna velika podrška. Ako ja sa 17 godina mogu ravnopravno igrati u Regionalnoj ligi i davati golove, onda mogu slobodno reći da ova generacija ima lijepu budućnost. Mi ćemo da radimo i dajemo sve od sebe u dravnom dresu, samo nam je potrebna podrška", zaključila je mlada bh. reprezentativka.

Izvor vijesti: Sportsport.ba